

Kata Pengalo – Ngalo ras Momo

=====

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

I bas wari Minggu si sendah, kita megiken pendiloNa selaku ring-ring ni Kristus si ertanggungjawab guna ikut muat bagin i bas pekena-kena dirinta selaku gereja si teridah i bas Persadan, Kesaksin ras Pelayanen. Sigejapkenlah e selaku perkuah ate Tuhan si jadi pendilo man banta guna majekken kulaNa i babo doni enda. Turang ras senina, mari dage radu ras kita kerina ersembah man Dibatanta si Badia i bas kehamaten.

Erkata Lonceng

(Perp. Tedis)

Rende

KEE No. 395 : 1, 2, 3

(Serayan Kebaktin Bengket Ku Mimbar)

Kebaktin Minggu, 20 September 2026
Minggu XVI Kenca Trinitatis / Minggu Tri Tugas Gereja

3	Votum – Salam <i>(Perp. Tedis)</i>
L	I bas gelar Dibata Bapa si nepa langit ras doni enda, i bas gelar Anakna Jesus Kristus Takal ni perpulungen ras i bas gelar Kesah Si Badia si enggo mereken erbage-bage pemere man kalak si erkiniteken. Perkuah ate ras dame i bas Dibata Bapa nari, i bas Jesus Kristus nari, ras i bas Kesah si Badia nari, ras kita kerina gelah. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Selaku teman si sada dahin, ersada arih kami kerina maka aku ras Barnabas erdahin i tengah-tengah kalak si labo Jahudi, janah rasul-rasul si deban erdahin i tengah-tengah kalak Jahudi” (Galatia 2 : 9b). Erpalasken Kata Dibata enda, sipuji IA alu radu ras ngendeken : KEE No. 399 : 1, 2, 3
5	Pemere Ras Tanggungjawab si Ibereken Dibata Man GerejaNa <i>(Perp. Kundul)</i>
L	Mari sibegiken Kata Dibata kerna dahin gereja itengah-tengah doni enda. “Sada ngenca kula, janah sada ngenca Kesah. Bage me pe kam kerina idilo ku bas sada pengarapen. Sada ngenca Tuhan, sada kiniteken, sada peridin; sada ngenca Dibata, e me Bapa kerinana. IA i babo kerina si nasa lit, si erdahin arah kerina si nasa lit dengen si nggeluh i bas kerinana. Man banta sekalak-sekalak enggo ibereken kengasupen si khusus sue ras baginta si patut si ibereken Kristus erpalasken lias ateNa. IA si “mereken pemere-pemere man manusia.” Deba ibahanNa jadi rasul, deba jadi nabi; lit deba jadi perBerita si Mehuli, lit deba jadi simpermakani perpulungen ras guru-guru. Si enda ibahanNa gelah kerina anak-anak Dibata sikap ndahiken dahin pelayanen majekken kula Kristus. Alu bage dungna ersada kinitekenta ras penandainta kerina nandangi Anak Dibata; kita dewasa, janah dungna seh kita ku tingkat kedewasan Kristus si serta e” (Epesus 4 – 7, 11 – 13).

	Erpalasken Kata Dibata enda, ras kita rende arah : KEE No. 209 : 1, 2, 4, 5
6	Kinilangasupen Manusia I bas Ndahiken Tri Tugas Gereja
L	Kita me ring-ring ni Kristus si idilo guna Ersada, Esaksi ras Ngelai. Uga pendalankenta sedekah enda ? <i>(Paksa Teneng)</i>
L	Lit nge ndia idah Dibata i bas pusuhta guna Ersada ? Lit nge ndia ukurta guna naksiken Dibata ? Lit nge pusuhta guna ngelai kalak si deban ? <i>(Paksa Teneng)</i>
L	I bas kita tole nggejapken kinikotenta i bas ndalanken pendilo Dibata enda, mari kita rende arah : KEE No. 362 : 1, 2, 3
7	Pergegeh i bas Ndalanken Pedah Dibata <i>(Perp. Tedis)</i>
L	Selaku persuruhan Dibata aku nehken kataNa man banta, gelah ngasup kita guna Ersada, Ersaksi ras Ngelai i bas kegeluhenta, niNa : <i>“Sabap i bas persadanndu ras Kristus, kam enggo ipebayak i bas kai pe, i bas pengeranandu bage pe i bas pemetehndu, la kam kurang kai pe kerna pemere-pemereNa” (1 Korinti 1 : 5, 7b).</i> Erkiteken kita enggo ipegegehi Dibata, mari sipuji IA arah : KEE No. 454 : 1, 2, 3, 4
8	Kata Dibata <i>(Perp. Kundul)</i>
a	Marilah sibegiken Kata Dibata bagin si pemena, si man ogenken ibas Minggu enda sini ibuat ibas Kitab Amos 7 : 10 - 17 . Mari siogeken secara pegancih. Sibenaken pengogenta
	<u>Nabi Amos ras Amasia</u>
7:10 L	Kenca bage, Amasia, e me imam i Betel, nenahken sada berita man Jerobeam, raja Israel nina, “Amos sangana erbahan pertakin ngelawan kam i tengah-tengah bangsa e. Kerina pengeranana encedai negeri enda.

7:11 P	Bagenda kap nina: Jerobeam la banci lang mate denggo i bas perang, janah bangsa Israel ibaba i bas negerina nari ku pembuangan?”
7:12 L	E maka nina Amasia man Amos, “To lawes o nabi! Mulih kam ku Juda janah i jahlah kam ernubuat. I jahlah kam ndarami nakan arah nubuatndu.
7:13 P	Olanai kam ernubuat i Betel enda. Ingan enda ingan sembah-sembahen raja kap, ingan ersembah guna kerina kerajaan.”
7:14 L	Ngaloi Amos nina, “Aku labo nabi biasa si ernubuat guna ndatken upah. Aku sekalak si ngasuhi lembu dengen erpeken batang ara.
7:15 P	Tapi ibuat TUHAN aku i bas dahinku nari selaku permakan jenari iperentahkenNa aku lawes lako ernubuat man bangsaNa Israel.
7:16 L	Dage genduari begikenlah kai si ikataken TUHAN. Isuruhndu aku ngadi ernubuat, janah ilarangndu aku ngerana man bangsa Israel.
7:17 P	Erkitekten si e, o Amasia, ikataken TUHAN man bandu, Ndeharandu jadi perlua-lua me pagi i pasar-pasar, janah anak-anakndu mate i bas perang. Tanehndu ibagi-bagikan man kalak si deban, janah kam jine mate i bas taneh kalak perbegu. Janah kalak Israel la banci lang ibaba me i negerina nari ku taneh pembuangan.”
	Ketuahen kalak si megiken kata Dibata dengen si makekenca i bas kegeluhenna si teptep wari, Haleluya. Ialoi perpulungen alu ngendeken : <i>Haleluya</i> <i>Haleluya</i> <i>Haleluya</i>

b	Ertoto guna Khotbah
c	Khotbah : Lukas 9 : 10 - 17. Tema : “Nuriken Kerna Kinirajan Dibata”
d	Ertoto kenca khotbah
9	Pengakun Kiniteken <i>(Perp. Tedis)</i>
	Aku tek man Dibata Bapa si la ersibar kuasaNa, si nepa langit ras doni. Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate. Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.
10	Persembahen <i>(Perp. Kundul)</i>
L	Turang ras senina i bas Jesus Kristus, mari sisehken persembahennta i bas wari Minggu enda, sipersembahkan dage simehulina. Gelah arah persembahen enda kita enggo ikut muat bagin i bas dahin Ersada, Ersaksi ras Ngelai. Kata Dibata si jadi palas i bas kita ngendesken persembahenta ibuat i bas Roma 12 : 1b, niNa : <i>“Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur”</i> Iherta ngendesken persembahenta rende kita i bas : KEE No. 302 : 1, 2, 3 Pertoton Persembahen ras Syafaat

11	Perpadanen Man Dibata <i>(Perp. Tedis)</i>
L	Kam idilo jadi ring-ring i bas KulaNa, nggejabken kiniulin nggeluh i bas persadan ras Dibata, bagepe ras temanndu si deban. Nggit nge kam ertutus ate mbangun kiniersadan i bas perpulungen ni Tuhan ?
P	Selaku ring-ring Kristus, ateku tetap nggeluh i bas persadan kulaNa i doni enda.
L	Jesus enggo mereken DiriNa ngelai manusia. Nggit nge kam mereken dirindu bagi Kristus, nggeluh i bas biak nggeluh si nggit mereken diri guna ngelai ?
P	Erpadan aku Tuhan, makeken diriku ngelai Kam arah ngelai temanku manusia
L	Bagi Jesus reh ku doni enda naksiken kiniulin Dibata. Nggit nge kam ertutus ate naksiken kiniulin Tuhan ku sekelewetndu ?
P	Erpadan aku Tuhan, naksiken kam arah perukuren, pengerana ras perbahanenku.
L	I bas mpeteguhi perpadanenndu, mari rende kita i bas : KEE No. 465 : 1, 2
12	Pertoton Tuhan
13	Pengutusen Ras Pasu-Pasu Dibata
L	Turang ras senina, bengketilah kegeluhenndu si teptep wari. Gelah tetap kam ngasup majekken kula ni Kristus i bas Ersada, Ersaksi ras Ngelai, emaka alokenlah pasu-pasu idur Dibata nari : <i>“Perkuah ate Tuhan Jesus Kristus, kekelengen Dibata ras kerembaken Kesah si Badia ras kam kerina gelah”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>